



## O`ZBEKISTON RESPUBLIKASI VAZIRLAR MAHKAMASINING QARORI

20 21 yil « 19 » avgust

№ 529

Toshkent sh.

### Учинчи шахсларга солик тўловчилар тўғрисидаги маълумотларни тақдим этиш чора-тадбирлари хақида

Тадбиркорлик субъектлари ўртасида соғлом рақобат муҳитини шакллантириш, бизнесни қонуний, шаффоф ва қулай юритиш учун мақбул шарт-шароитлар яратиш, давлат солик хизмати органларига солик тўловчилар томонидан тақдим этилган солик сирини ташкил этмайдиган маълумотларни рақамли технологиялар имкониятларидан кенг фойдаланган ҳолда монеликсиз олиш механизмларини жорий қилиш мақсадида Вазирлар Маҳкамаси қарор қиласди:

1. Ўзбекистон Республикаси Давлат солик қўмитасининг қўйидаги тақлифларига розилик берилсин:

давлат-хусусий шериклик асосида Интернет жаҳон ахборот тармоғида реал вақт режимида ишловчи “Ишончли ҳамкор” автоматлаштирилган ахборот тизимини (кейинги ўринларда – “Ишончли ҳамкор” ААТ) ишлаб чиқиш ва амалиётга жорий этиш лойиҳасини амалга ошириш;

“Ишончли ҳамкор” ААТ орқали солик тўловчилар тўғрисидаги солик сирини ташкил этмайдиган маълумотлар ва ҳисоб маълумотлар, ҳисобварак-фактуралар ва чекларда кўрсатилган маҳсулотларнинг (товар ва хизматларнинг) ягона электрон миллий каталоги бўйича идентификация кодларини, шунингдек, мажбурий маркировкаланган маҳсулотлар бўйича таҳлилий ва қайта ишланган маълумотларни (кейинги ўринларда – жамланган маълумотларни) юридик ва жисмоний шахсларга (кейинги ўринларда - учинчи шахсларга) тақдим этиш.

2. “Ишончли ҳамкор” ААТини ишлаб чиқиш ва амалиётга жорий этишда қўйидагилар тавсия этилсин:

учинчи шахсларнинг сўровларига асосан “Ишончли ҳамкор” ААТда мавжуд бўлган жамланган маълумотларни тақдим этиш ҳамда уларга “Солик тўловчи” ва “Маҳсулот ва хизматлар” профилларидан фойдаланиш имкониятини яратиш;

молиявий ҳисоботларида акс эттирилган маълумотлар асосида тадбиркорлик субъектларининг молиявий кўрсаткичларини ҳисоблаш ва тақдим этиш ҳамда банк ҳисобвараги ҳолати (очик/ёпиқ) бўйича маълумотларни тақдим этиш;

иктисодиёт тармоқлари бўйича умумлаштирилган (йиғма) таҳлилий кўрсаткичларни ва солиқ юкини ҳисоблаш ва тақдим этиш;

солиқ тўловчиларнинг молиявий ҳолати ва ҳисоб маълумотларини таҳлил қилиш асосида тадбиркорлик субъектларининг фаолияти самарадорлигини баҳолаш (скоринг) тизимини жорий қилиш;

солиқ тўловчиларнинг розилиги билан улар тўғрисидаги маълумотларни учинчи шахсларга, шу жумладан, тижорат банкларига тақдим этишнинг техник имкониятини яратиш ва солиқ тўловчилар хақидаги маълумотларни уларнинг розилиги билан тақдим этиш;

маҳсулотларнинг улгуржи ва чакана савдоси ҳамда ишлаб чиқариш ҳажмлари, шу жумладан, импорт қилинадиган товарлар бўйича асосий ишлаб чиқарувчилар ва харидорлар, истеъмолнинг географик харитаси, шунингдек, бозор конъюнктураси ва хизматларнинг ривожланиш ҳолати тўғрисидаги таҳлилий маълумотларни шакллантириш;

аффилланган шахслар ўртасидаги алоқаларни ҳамда солиқ хавфи даражаси мезонларининг маҳфий ахборот сифатида қайд этилмаган мезонлари асосида солиқ тўловчиларнинг солиқ хавфи даражасини аниқлаш ва тақдим этиш;

матрициали штрих кодни (QR-код) сканерлаш орқали савдо чекларини рўйхатдан ўтказган харидорлар тўғрисидаги маълумотларни уларнинг розилиги асосида маҳсулотлар ишлаб чиқарувчиларга тақдим этишнинг техник имкониятини яратиш;

“Ишончли ҳамкор” ААТда мавжуд бўлган жамланган маълумотларни ўз ичига олган матрициали штрих кодга (QR-код) эга бўлган маълумотнома тақдим этиш.

Бунда “Ишончли ҳамкор” ААТ орқали юклаб олинган маълумотнома шу куни ҳаққоний ҳисобланади ва онлайн репозиторийда сақланади.

### 3. Белгилансинки:

а) Ўзбекистон Республикаси Давлат солиқ қўмитаси “Ишончли ҳамкор” ААТни ишлаб чиқиш, жорий этиш ва унинг фаолиятини юритиш бўйича давлат-хусусий шериклик лойиҳасини амалга оширишда давлат шериги ҳисобланади ва лойиҳани амалга ошириш мақсадида хусусий шерикни тўғридан-тўғри музокаралар асосида танлаб олади;

б) хусусий шерикни тўғридан-тўғри музокаралар асосида танлаб олиш ҳақидаги эълон оммавий ахборот воситаларда, Интернет жаҳон ахборот тармоғи, Ўзбекистон Республикаси Давлат солиқ қўмитаси, Молия вазирлиги ҳузуридаги Давлат-хусусий шерикликни ривожлантириш агентлигининг расмий веб-сайтларида кенг ёритиб борилади;

в) “Ишончли ҳамкор” ААТ “Электрон ҳуқумат” тизими идоралараро интеграциялашув платформасида жойлаштирилади;

г) “Ишончли ҳамкор” ААТни ишлаб чиқиш, жорий этиш ва унинг фаолиятини юритиш соҳасида давлат-хусусий шериклик тўғрисидаги битим қуйидаги тамойиллар асосида амалга оширилади:

давлат-хусусий шериклик тўғрисидаги битим томонларнинг келишуви асосида ҳар 5 йилда қайта кўриб чиқиш шарти билан тузилади;

хусусий шерик “Ишончли ҳамкор” ААТнинг оператори (кейинги ўринларда – оператор) этиб белгиланади;

оператор “Ишончли ҳамкор” ААТда мавжуд бўлган таҳлилий ва қайта ишланган маълумотларни учинчи шахсларга шартнома ёки оммавий оферта асосида тақдим этади;

маълумотларни учинчи шахсларга тақдим этиш хизматларини кўрсатишдан олинадиган даромадлар давлат шериги ва хусусий шерик ўртасида келишув асосида тақсимланади;

давлат-хусусий шериклик лойиҳасини тайёрлашда Ўзбекистон Республикаси Давлат солиқ қўмитаси консалтинг ташкилотларни жалб қиласида ва ушбу мақсадлар учун сарфланадиган (молиялаштириладиган) харажатлар Ўзбекистон Республикаси Давлат солиқ қўмитасининг Моддий ёрдам, ижтимоий ҳимоя, солиқ органларини ривожлантириш ва кўзда тутилмаган харажатлар маҳсус жамғармаси ҳисобидан амалга оширилади;

д) оператор қуйидаги вазифаларни амалга оширади:

**2022 йил 1 марта қадар ўз маблағлари ҳисобидан “Ишончли ҳамкор” ААТни ишлаб чиқиб жорий этади ва кейинчалик унинг фаолиятини юритади ҳамда “Ишончли ҳамкор” ААТни Ўзбекистон Республикаси Давлат солиқ қўмитасининг серверларига жойлаштиради;**

ахборот хавфсизлиги талабларига риоя қилган ҳолда, Ўзбекистон Республикаси Давлат солиқ қўмитасининг маълумотлар базасига электрон сўровни амалга ошириш орқали маълумотларни таҳлил қилиб ва қайта ишланган ҳолда учинчи шахсларга тақдим этади;

давлат шериги билан келишилган ҳолда, давлат органлари ва ташкилотларига “Ишончли ҳамкор” ААТ орқали маълумотлардан бегараз фойдаланиш имкониятини яратади.

**4. Ўзбекистон Республикаси Давлат солиқ қўмитаси:**

“Ишончли ҳамкор” ААТ амалиётга жорий қилингандан сўнг солиқ тўловчиларга ўзларининг шахсий кабинети орқали “Ишончли ҳамкор” ААТга кириш имкониятини яратсин;

“Ишончли ҳамкор” ААТни ишлаб чиқиш, жорий этиш ва унинг фаолиятини юритиш бўйича давлат-хусусий шериклик тўғрисидаги битимни тузишга тайёргарлик кўриш мақсадида уч ой муддатда концепция ва лойиҳани баҳолаш ҳужжатларини ишлаб чиқсин;

**2021 йил 1 октябрга қадар** Ўзбекистон Республикаси Давлат солиқ қўмитасининг расмий веб-сайтида тадбиркорлик субъектларига ўз контрагентлари тўғрисида Ўзбекистон Республикаси Солиқ кодексининг 29-моддаси талабларига мувофиқ солиқ сирини ташкил этмайдиган ва солиқ тўловчининг розилигисиз тақдим этиладиган маълумотларни солиқ тўловчининг идентификация рақами ёки жисмоний шахснинг шахсий идентификация рақами асосида олиш имконини берувчи ахборот платформасини яратсин;

Молия вазирлиги билан биргаликда **2022 йил 15 январга қадар** каталогнинг идентификация кодларини Давлат харидлари соҳасида фойдаланиладиган товарларнинг (хизматларнинг) ягона миллий классификатори билан мувофиқлаштириш чораларини кўрсинг;

манфаатдор вазирликлар ва идоралар билан келишилган ҳолда солиқ сири тоифаларига кирмайдиган солиқ тўловчилар тўғрисидаги ҳисоб маълумотлари рўйхатини доимий кенгайтириш ишларини ташкил этсин.

**5. Давлат органлари ва ташкилотлари, хўжалик бирлашмаларига давлат харидларини амалга оширишда ҳамкорларни танлаш, субсидиялар ажратиш, хўжалик юритувчи субъектлар билан шартномалар тузишда эҳтиёт чораларини кўриш мақсадида ушбу корхоналар бўйича “Ишончли ҳамкор” ААТ орқали тадбиркорлик субъектларининг фаолияти самарадорлигини баҳолаш (скоринг) натижаларини таҳлил қилиш тавсия этилсин.**

**6. Ўзбекистон Республикаси Давлат статистика қўмитаси уч ой муддатда** давлат органлари томонидан ўзларининг маълумотлар базаларида мавжуд бўлган маълумотларни пулли асосда учинчи шахсларга тақдим этиш тартибини жорий этиш бўйича халқаро тажрибани ўргангандан ҳолда Вазирлар Маҳкамасига таклиф киритсан.

7. Ўзбекистон Республикаси Давлат солиқ қўмитаси манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсин.

8. Мазкур қарорнинг бажарилишини назорат қилиш Ўзбекистон Республикаси Бош вазирининг молия-иктисодиёт ва камбағалликни қисқартириш масалалари бўйича ўринбосари – иктиносидий тараққиёт ва камбағалликни қисқартириш вазири Ж.А. Кўчкоров ҳамда Ўзбекистон Республикаси Давлат солиқ қўмитаси раиси Ш.Д. Кудбиев зиммасига юклансин.

Ўзбекистон Республикасининг  
Бош вазири



А. Арипов